

EUSKARA. Kontseiluak eta Udalbiltzak Hizkuntz Eskubideen Behatokia finantzatzeko hitzarmena sinatu dute. Horren arabera, 11.500.000 pezetako diru laguntza emango dio Udalbiltzak Kontseiluari. Behatokia udarako abian izango da

Hizkuntz Eskubideen Behatokia finantzatzeko akordioa sinatu dute Udalbiltzak eta Kontseiluak

Euskal Herri osoan euskararen eskubideak errespetarazteko helburua du Behatokiak



GARI GARAIALDE

Xabier Mandiguren, Kontseiluko idazkari nagusia, eta Maribi Ugarteburu, Udalbiltzako bozeramailea, akordioa sinatzen, atzo.

ko bozeramaile eta Amorotoko alkateak, eta Lander Etxebarria Udalbiltzako Batzorde Eragilearen Euskara arduradun eta Bilboko EHko zinegotziak. Diru laguntzaren ordainetan, Kontseiluak urtean egindako lanaren memoria aurkeztu beharko dio Udalbiltzari.

Diru laguntzagatik Udalbiltzari «eskerrak» eman ondoren, Hizkuntz Eskubideen Behatokia eratzeko urratsak ematen Kontseilua «aspaldian» ari zela jakinarazi zuen Mendigurenek, «Euskal Herri osoan euskararen eskubideak bermatzeko helburuarekin». Izan ere, Kontseiluko Idazkari Nagusiak salatu zuenez, euskararen inguruan gertatzen diren eskubide urraketak «kezkarriak» dira. Horretaz gain, euskararen ofizialtasuna ez dago onartua Euskal Herri osoan. «Ipar Euskal Herrian eta Nafarroako hainbat gunetan euskara ez da ofiziala, eta Euskal Autonomi Erkidegoan lege ofiziala bada ere, zenbait alorretan ez du behar adinako garapenik», Mendigurenen hitzetan.

Behatokiak hiru eginkizun nagusi izango ditu. Herritarren salaketak jaso eta bideratzea batetik, hizkuntz eskubideen egoerari buruzko txostenak prestatu eta Euskal Herrian zein nazioartean haien berri ematea bigarrenik, eta urraketarik gerta ez dadin, prebentzio lana egitea, azkenik.

Udarako abian izatea nahi du Kontseiluak

Behatokiaren egitekoa, ordea, ez da urraketa eta egoera ezkorrrak salatzea mugatuko soilik. Euskararentzat eredugarri diren jarduerak txalotuko dituztela jakinarazi zuten. Euskara Hizkuntz Eskubideen Behatokia udarako abian izatea nahi du Kontseiluak. Oraindik zuzendaria eta administraria zeintzuk izango diren ez dute aukeratu, baina egoitza nagusia Iruñean izango duela aurreratu zuten bultzatzaileek.

Maribi Ugarteburuk, Udalbiltzak otsailaren 24an Donostiako Kursaallean egin batzarrean euskararen inguruan hitzartutakoa eta Kontseiluak Behatokiarekin bultzatu nahi duena «bat datozela» esan zuen. Udalbiltzako bozeramailearen iritziz, Behatokiaren sorrerak «poztasuna eta itxaropena» sortuko du, euskara «egoera minorizatuan» dagoelako Euskal Herrian, eta Behatokiak «euskarak jasaten dituen erasoei» aurre egiteko balioko duelako.

HELBURUAK

Hizkuntza eskubideak bermatzeko «tresna berria»

Euskararen Gizarte Erakundearen Kontseiluak sortuko duen Behatokiak hiru eginkizun nagusi izango ditu euskaldunon eskubideak bermatzeko.

ZERBITZUA ESKAINI. Hizkuntza eskubideak, arlo pribatuan zein publikoan, berma daitezzen zerbitzu bat eskainiko du Behatokiak. Edozein herritarrek uste badu hizkuntza eskubide horiek ez direla betetzen, bere kexua adierazi edo salaketa jartzeko aukera eskainiko du. Ondoren, go urratsak emateko ere laguntza eskainiko du zerbitzuak.

TXOSTENAK PRESTATU. Euskararen egoeraren inguruko txostenak prestatu eta landuko ditu Behatokiak, ondoren haien berri euskal gizartearen zein nazioartean zabaltzeko. Azken hori bideratzeko, nazioarteko hainbat erakunderekin zein antzeko egoeran dauden herrialdeekin harremanak bultzatuko ditu.

PREBENTZIO LANA. Behatokiak aurrea hartu nahi die gertatzen diren urraketa kasuei. Zerbitzu edo instalazio berriak sortzen direnean, esaterako, askotan ez dira aurreikusten hizkuntza eskubideak nola bermatu. Horrelako kasuei aurrea hartu nahi die.

Ekaitz Agirre | DONOSTIA

Euskararen Gizarte Erakundearen Kontseiluak sortzeko asmo duen Hizkuntz Eskubideen Behatokia finantzatzeko hitzarmena sinatu zuten atzo Kontseiluak eta Udalbiltzak, Donostiako Koldo Mitxelena Kulturunean. Akordio horren arabera, Udalbiltzak 69.200 Euro (11.513.911 pezeta; 453.922 libera) baliatuko ditu Behatokiaren proiektua finantzatzera. Kontseiluaren izenean Xabier Mendiguren Bereziartu idazkari nagusiak sinatu zuen akordioa; Udalbiltzaren izenean, aldiz, Maribi Ugarteburu Udalbiltzako Batzorde Eragile-